

Գաֆեւճեան արվեստի կենտրոնը սկսում է «Տաբուլա ռազա» նախագիծը Կենտրոնի պատկերասրահ «Մեկում»: Նպատակը սրահի մաքուր, հարթ, դատարկ պատը օգտագործելն է Ինտերակտիվ ուսումնական կենտրոնի, գրադարանի տարածքի հետ հարաբերության մեջ՝ կյանքի կոչելով տարբեր ցուցադրություններ և նախագծեր (այդ թվում՝ փորձարարական): Տաբուլա ռազան, որ լատիներենից թարգմանաբար նշանակում է «հարթ, մաքուր տախտակ», դեռևս հին հունական փիլիսոփայությունից սերող տերմին է. այն կիրառվում է իմացաբանական և հոգեբանական առումով, երբ մարդու գիտակցությունը ծնվելու պահին մաքուր տախտակի հետ է համեմատվում: Այդ տեսանկյունից թանգարանային պատերը ևս «մաքուր տախտակներ» են, որոնք լրիվ անբիծ են մինչև նոր իմաստներով լցվելը. այնպես ինչպես և գիտելիք չունեցող մարդու գիտակցությունը: Այս համատեքստում շատ խորհրդանշական է սկսել «Տաբուլա ռազա» նախագիծը Լեո Լեո Վարդանյանի «Չեղբեր» շարքով, որտեղ ոչ փոխաբերական, այլ իրական մաքուր սպիտակ տախտակը լիցքավորվում է նոր շերտերով ու իմաստներով:

## Լեո Լեո Վարդանյանի հետքերը

Լեո Լեո Վարդանյանը արստրակցիոնիստ նկարիչ է, ով աշխատում է տարբեր տեխնիկաներով, երբեմն նաև իր ստեղծագործություններում օգտագործելով մուլտիմեդիա գործիքակազմ: Հատկապես վերջին տարիների իր շարքերում նա ուսումնասիրում է տարբեր ֆիզիկական հարթությունների հարաբերությունները, տարբեր շերտերի գրավիտացիաներն ու վիբրացիաները (ինչպես ինքը՝ նկարիչն է դրանք անվանում): Արվեստագետի աշխատանքները անտեսանելի, անհաս, վերացական տարբեր երևույթների՝ երբեմն նուրբ, երբեմն ցցուն վիզուալ պատկերացումներն են: Լեո Լեո Վարդանյանի ձեռքերում կտավի կամ փայտի մակերևույթը ինքն իրենով կարող է լինել գլխավոր արտահայտչամիջոցը, ինչպես նրա «Ռելիեֆ» կամ «Հորիզոններ» շարքերում: Այդուհանդերձ, «Հետքեր»-ում արվեստագետը կարծես այդ մակերեսների հետ հարաբերությունը տեղափոխում է մեկ այլ հարթություն, որտեղ պատկերի ստեղծումն առավել ազատ ու կարծես անկառավարելի է, և հեղինակի ազդեցությունը, թվում է, թե աշխատանքի կերտման վրա հասցված է մինիմալի:

«Հետքեր» շարքի համար նկարիչը ստեղծել է այն պայմաններն ու միջավայրը, որում կրակի բոցերն ու շիթերը, կլանելով մանրաթելային տախտակի վրա փակցված ենթաշրջանակով կտավը, վերացական պատկերներ են կերտում: Ի սկզբանե որպես վիզուալիստի համար արված աշխատանք, այն առանձին կյանք ստացավ՝ դառնալով վերոնշյալ վիզուալիստի ածանցյալ, բայց ինքնուրույն ստեղծագործությունների շարք: Նկարչի յուրաքանչյուր ժեստ նրա մարմնի շարունակությունն է, որ եզակի, անկրկների հետք է թողնում



«Հետքեր» շարք,  
Մանրաթելային տախտակ, խառը տեխնիկա

*Traces series*  
Mixed media on fiberboard

100 x 70 սմ/см  
2021

Արվեստագետի սեփականություն  
Artist's collection













## ԼԵՈ ԼԵՈ ՎԱՐԴԱՆՅԱՆ

- 1971 ծնվել է Երևանում
- 1996 ավարտել է Երևանի պետական գեղարվեստի ակադեմիան, Գեղանկարի բաժին
- 1998 Դարձել է Նկարիչների միջազգային միության և Ռուսաստանի նկարիչների միության անդամ
- 2008 դարձել է Հայաստանի նկարիչների միության անդամ

## ԽՄԲԱՅԻՆ ՑՈՒՑԱԴՐՈՒԹՅՈՒՆՆԵՐ

- 2021 «Սև», Հայաստանի նկարիչների միություն, Երևան, Հայաստան
- 2021 «Մինչ ձենակերպում», Հայաստանի նկարիչների միություն, Երևան, Հայաստան
- 2019 «Ազատության գույներ», Երևանի ժամանակից արվեստի թանգարան, Երևան, Հայաստան
- 2019 «Ծիածանի 8-րդ գույնը», Ալ-Քուլեյթ, Քուլեյթ
- 2018 «11. հայ ժամանակակից աբստրակտ արվեստի ընտրանի», Գաֆեաճեան արվեստի կենտրոն, Երևան, Հայաստան
- 2016 «Կենսահաստատման երկիր», Կալենց թանգարան, Երևան, Հայաստան
- 2016 «Հասսֆեստ» արվեստի և երաժշտության արվեստի միջազգային փառատոն, ՆՓԱԿ, Երևան, Հայաստան
- 2015 «Հայկական աբստրակցիա. նուրբ կապը ավանդույթի հետ», Kulturhaus Berlin-Karlshorst, Բեռլին, Գերմանիա
- 2013 «Հայկական աբստրակցիա», Երևանի ժամանակից արվեստի թանգարան, Երևան, Հայաստան